

وجدان قید تحذیر بلها ؛ محبت بر مرض ؛ شفقت عقول قاصره
مخصوصاتندن و همی بر عرضدر .

دین کیدنجه بنیان فضائل یقیلیر ؛ حسیات مبعجله نامنه قلبده ،
دماغده نه وارسه هپسی برر برر چکیلیر . ساحه قلب بوم بوش ،
طام طاقیرقالیر . اوساحه یی تنویر ایدن نه قدر شعله وارسه هپسی سوزر .
اونک یرینه پایانی اولمایان بر میدان ؛ کوز کوزی کورمه یی بر زندان
قائم اولور . اوزندانک هر طرفندن مبهم ، موخش ، مدهش صدالر
عکس اتمیه باشلار .

ایشته بوکا ظلمت آباد کفر و الحاد دیرلر که عینله جهنمدر . اوراده
انسانک دماغنه استیلا ایدن افکار مدهشه مظلمهده اوجهنمک آتشین
تازیانه لی زبانلیریدر . جناب حق دینسزلره عذاب اکبرک نمونه سنی
بوراده بو صورته کوستر . [ولتذیقهم من العذاب الاذنی دون
العذاب الاکبر] . بوجران عقلی وعصیینک نتیجه سی نه اولمق لازم
کله جکی هرکسک معلومیدر

محمد ماکف

مدافعات دینیه

حق و حقیقت

دوقنور دوزینک اسلامیت علیرهنده کی اسنادانه فارشی رده

۱۱

« متعاقباً قیزلری ایمانه کلدیلر . عمجه سی ارغلی علی ده اونلره التحاق
ابتدی . علی اون یاشنده بر چو جوق ایدی . بر قحط سنه سنده عمجه سنک بار
معیشتی تخفیف ایچون اون کندی اوینه آلمشیدی . بونی متعاقباً کوله زید
کلدی . زید حالا کوله میدی ، یوقسه محمد آزاد ایدوب اولاد ایتشمیدی ؟
بوراسی لایقوله معلوم دکلدیر . »

کراشم سینه نک ایمان ایتمه لرینی ذکر ایتک زاندر . اونلر ذانا
پدر دیشانلری تربیه سی تحتده یاشامقده اولدقلری جهته بتلره
طامش دکلدردی . رسالت خبرینی تصدیقده تردد ایتیه جکلری ده امر
آشکاردر . بنابرین اکثر کتب سیرده خصوص مذکور مسکوت عنه
بر اقلمش ، دینه دعوت بیوردقلری بیان ایدلمه مشدر . ایچلرنده
یالکز اک بویوکلری اولان سیده زینب حضرتلری تروج ایتش اولوب
دیگرلری هپ صغیره ایدی . حتی حضرت فاطمه (رض) هنوز دنیایه
کلشیدی . [مشارالین حضرتانک مناقب علیه لری جلد اولده اجمال
اولمشدر .]

حضرت علی (کرم اه وجهه) افندیمرک ده خانه سعادت آشیانه
بیامبریده تربیه کوردرک عبادت اصنامدن مصون قالدقلری حالده قبول
اسلامیتلری موضوع بحث اولیور . چونکه سن بلوغه ایرمه یی چو جوق
پدرینه تابع عد وانور . مشارالیه ک پدری ابوطالب ایسه دین قدیمی

وقتیله عربلرک ایشسر طاقی کوندوزک بودوره سنی بک فائده سز
شیلرله کچیرمک معتادنده اولدقلری ایچون ، ذهنلرده بوزمانک شردن
باشقه برایشه یارامیه جنی و همی یراشمشدی . آرتق یری ، کوکلری
یارادان الله ذوالجلال طوتارده بوزمانه قسم ایدرسه ، قدری نه درجه لرده
یوکسک اوله جنی در حال آکلاشیلیر . (خسر) ضلال ، هلاک ،
نقصان مغالرینه در . اوت ، سورده جلیلهده استتیا ایدیلنلرک خارجده
نه قدر انسان وارسه هپسی خسران ایچنده در . اولای ایمانی
اله آله لم ، باقه لم ؛ بوفیضدن نصیبی اولمایانلرک خسراندن آزاده قالمسی
ممکنی ایش ، دکلای ایش .

واقعا ، انسانلرک اسباب سعادت بیلدکلری وساطتی الله ایدنلر
ایچون - دینسزلره کوره ذانا بوجیاتک مابعدی اولمادیغندن - خسران
یوقدر ، کبی کلیر اما ازیحق دوشونولورسه حقیقتک بوسبتون باشقه
اولدینی کورولور . چونکه انسان یالکز مؤثرات طبیعییه قارشى
جسمانیتنی باریندیرمق احتیاجنده دکلدیر . مغنویاتی هجوم انفعالاتدن
قورتارمق ضرورتی ده شدتلی بر صورتده حس ایدر . زیرا البته
انسان حیوان کبی اوله ماز .

شیمدی برارده « دینی ، فلسفی مصاحبلر » لرک ، مع لاسف
ایکنجیسی یازیلمایان او مغلل اثرک صاحب حکیمنی دبکیه لم . باقیکز ایماندن
نصیب آله میانلری فصل تصویر ایدیور :

« دینسز بر آدم غایت قارا کلک برکیجهده فورطنیه طوتولمش ،
یلکنسز ، دومنسز صافراسز کمی کبی بو عمان حوادثک امواج
مدهشه سی آره سنده چالقانیر طورور . نهایت ، ساحل سلامته ایرمه دن
دهشتلی برقاییه چارپوب پارچه پارچه اولور .

اگر دینسز اولمق اذواق ممکنه بشریه دن ایسته نیلیدی قدر نصیب
آلمق مقصدینه مستند ایسه امین اولمالی که جناب حق اصلا بوکا میدان
ورمز ؛ سوء اعتقاد صحابنک دماغندن استعداد تلذذ خاصه سنی در حال
تزع ایدر . دین کیتدیکی دقیقهده انسانک کوزینه برسیاه کوزلک طاقیلیر ،
دنیا انسانک نظرنده بر زندان بلا کسلیار ؛ بتون موجوداتی سیم سیاه
کورمه ییه باشلار . آفاق برکنده آتشین کبی بوغازینه کچمک ایچون
دقیقه بدقیقه دارلاشیر . قلب هر درلو مزایای انسانیه دن تعری ایدر .
دینسز ، عالمه سی افرادینه کندیسنی ماکل اتخاذ ایتش بر آلاى
مخلوقات مضره نظریله باقار ؛ بنی نوعه قارشى هیچ بر محبت ، هیچ
بر شفقت حس ایتز .. بجران کفر و الحاد بوتون اجزای بدنیه سنه
سریان ایدر . نومی عذاب ، یقظه سی اندیشه بی حساب اولور . قوشلرک
نعمات جانفزاسی غریبوماتم ، ازهار نوهارک خنده انکشافی کریه درد
والم کبی کلیر . نرهبه باقسه چین جین ، لعن ونفرین کورور . بوتون
موجوداتک کندیسنه دیش غیجیرداتمقده اولدیغه حکم ایدر .

علتسز ، غایتسز ، صاحبسز ، معناسز کوردیکی بو عالم نظرنده
برلوحه ماتمی رنگ بلا کسلیار . اونک ایچون فضیلت برلفظ بی معنی ؛